

Supervizor za Brčko donosi nove zakone



Supervizor za Brčko, dr Raffi Gregorian, danas je izdao [Nalog supervizora](#) kojim se donose zakoni kako je predviđeno Nalogom supervizora od 02. februara 2007. godine, a koji je neophodan kako bi se niz zakona uskladio sa Statutom distrikta Brčko.

Doneseni zakoni su:

- Zakon o Vladi distrikta Brčko kojim se zamjenjuju Zakon o izvršnoj vlasti distrikta Brčko i Zakon o članovima Vlade distrikta Brčko;
- Zakon o javnoj upravi distrikta Brčko kojim se zamjenjuje trenutno važeći Zakon o javnoj upravi distrikta Brčko;
- Zakon o izmjenama i dopuni Zakona o javnoj imovini distrikta Brčko.
- Zakon o Direkciji za finansije distrikta Brčko,
- Zakon o sudovima distrikta Brčko, Zakon o Tužilaštву distrikta Brčko, Zakon o Pravosudnoj komisiji distrikta Brčko i Zakon o Kancelariji za pravnu pomoć distrikta Brčko, kojima se zamjenjuju trenutno važeći zakoni; i
- Zakon o izmjenama i dopunama niza drugih zakona

Većina zakona i izmjena i dopuna zakona će stupiti na snagu osmog dana od dana objavljivanja u "Službenom glasniku", dok Zakon o izmjenama i dopunama Zakona o javnim preduzećima stupa na snagu danas kako bi se vlastima Distrikta olakšao rad na uspostavljanju Javnog komunalnog preduzeća.

Gradonačelnik distrikta Brčko će morati da imenuje posebnu komisiju koja će razmotriti ove zakone i izmjene i dopune zakona i koja će supervizoru u roku od četiri mjeseca predložiti izmjene ovih zakona.

Supervizor je takođe rok za postupak odabira najuspješnijeg kandidata u postupcima zapošljavanja produžio sa 60 na 90 radnih dana. Ovo produženje je vremenski ograničeno na taj način da se odnosi samo na postupke zapošljavanja za koje je konkurs objavljen 01. aprila 2007. godine ili kasnije, a najkasnije 31. decembra 2007. godine.

Supervizor pohvaljuje napore radnih grupa i javnih zvaničnika čija je pomoć tražena i koji su iskazali posvećenost i profesionalnost u pripremi nacrta zakona i izmjena i dopuna zakona i podzakonskih akata u vremenskom roku propisanom u Nalogu supervizora od 02. februara 2007. godine. On takođe pohvaljuje svoje osoblje za njihov doprinos u ovom poslu.